

JU OŠ „ŠIP“ SARAJEVO

Broj:521/25

Sarajevo, 29.01.2025. godine

Na osnovu člana 65. stav (1) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“ br. 27/24), direktorica JU OŠ „ŠIP“ Sarajevo objavljuje:

**POZIV
ZA FEBRUARSKI UPISNI ROK
ZA UPIS DJECE U PRVI RAZRED OSNOVNE ŠKOLE
ZA ŠKOLSKU 2025/2026. GODINU**

I – Upis djece u I razred osnovne škole vršit će se u FEBRUARU (prvi upisni rok), u terminu od 01.02.2025. do 28.02.2025. godine.

U izuzetno opravdanim slučajevima upis djece će se obaviti i u **augustu**, te se pozivaju roditelji/staratelji da djecu prijave za upis u **februarskom roku**, a samo izuzetno, uz opravdane razloge, mogu se prijaviti u **augustu**.

II – Školskim obveznikom redovne škole smatra se dijete koje do 1. marta tekuće godine navršši pet i po godina života.

Škola može omogućiti upis djetetu koje je mlađe od utvrđene starosne dobi predviđene za početak obaveznog odgoja i obrazovanja, uz pismeni zahtjev roditelja/staratelja i ako škola nakon što razmotri preporuke Komisije za upis učenika u prvi razred, to smatra da je u najboljem interesu djeteta, te ukoliko dijete do kraja kalendarske godine puni šest godina života.

III – Školsko područje: Javna ustanova Osnovna škola „ŠIP“ obuhvata sljedeće ulice: Abdurahmana Muharemije, Alipašina od broja 109 do broja 307 i od broja 24 do broja 148, Dejzina Bikića, Jabuka, Sulejmana Omerovića Cara, Zije Dizdarevića, Branilaca Šipa, Donja Slatina i Ramiza Gugača.

U skladu sa članom 62. stav (7) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“ br. 27/24), te na osnovu odobrenja Ministarstva za odgoj i obrazovanje Kantona Sarajevo, a po zahtjevu roditelja, škola može upisati učenike i sa drugih

školskih područja, koja ne pripadaju upisnom području škole uz obavezu poštivanja Pedagoških standarda za osnovni odgoj i obrazovanje i normativa školskog prostora, opreme, nastavnih sredstava i učila za osnovnu školu („Službene novine Kantona Sarajevo“ broj: 10/24, 21/24, 35/24) pri čemu prednost upisa imaju učenici koji pripadaju školskom području škole.

IV – Obavezna dokumentacija za upis djece u prvi razred osnovne škole:

- obrazac prijave za upis djeteta u prvi razred osnovne škole za školsku 2025/2026. godinu (preuzima se u predškolskim ustanovama),
- Uvjerenje/certifikat o pohađanju obaveznog programa za djecu u godini pred polazak u osnovnu školu (preuzima se u predškolskim ustanovama),
- Izvod iz matične knjige rođenih djeteta / original ili ovjerena kopija,
- Ljekarsko uvjerenje o psihofizičkom stanju djeteta za upis u školu i zdravstvenom statusu s opisom poteškoća (u Domu zdravlja gdje dijete ima otvoren karton),
- CIPS prijava boravka djeteta, kao dokaz o pripadnosti školskom području.

Napomena: Ukoliko dijete dolazi sa drugog školskog područja, roditelj je uz prijavu obavezan i priložiti zahtjev u kojem je naveden razlog upisa u JU OŠ „ŠIP“.

V – Predaja dokumentacije: Dokumentacija iz tačke IV se dostavlja skenirana ili fotografisana na e-mail upis.prvacica@ossip.edu.ba ili lično na adresu **Branilaca Šipa bb, 71000 Sarajevo** (svaki radni dan u periodu od 9,00 do 14,00 h).

VI – O terminu testiranja djeteta roditelji/staratelji će biti informisani putem e-maila ili telefonom.

Sve dodatne informacije možete dobiti na kontakt telefon škole: **033/408-553**.



DIREKTOR ŠKOLE: